

**MESYUARAT JAWATANKUASA
TATAKELOLA (JTK) JABATAN
PENDIDIKAN WILAYAH
PERSEKUTUAN LABUAN BILANGAN
3 TAHUN 2025**



LABUAN, 30 September 2025 – Mesyuarat JTK JPWP Labuan Bil.3 Tahun 2025 yang telah dipengerusikan oleh YBrS. Encik Yahya bin Ahmad Puteh, Pengarah Pendidikan W.P. Labuan bertempat di Bilik Persidangan, Mahkamah Syariah W.P. Labuan.

Mesyuarat tersebut telah dihadiri seramai 46 orang ahli

Mesyuarat yang terdiri daripada Pegawai Pengurusan Tertinggi Jabatan Pendidikan W.P. Labuan serta Pengetua dan Guru Besar sekolah di W.P. Labuan.

Selain itu, Mesyuarat pada kali ini turut menjemput YM. Tengku Addidudin Shah bin YM. Tengku Aristonsyah, Penolong Pengarah Kanan, Unit Integriti Kementerian Pendidikan sebagai pembentang.

[#jpwpl](#)

[#7TerasKPM](#)

[#MalaysiaMADANI](#)









KEM FITRAH KASIH SEKOLAH RENDAH 2025: Menyemai Nilai Ibadah dan Jati Diri Murid



Labuan, 4 Oktober 2025 – Kem Fitrah Kasih Sekolah Rendah telah berlangsung dengan jayanya di Auditorium Masjid Jamek An Nur, WP Labuan, melibatkan penyertaan seramai 62 murid Tahun Enam dari tiga buah sekolah bantuan kerajaan: SK St Anne, SJKC Chi Wen, dan SJKC Chung Hwa.

Program ini dikelola oleh SK St Anne dengan kerjasama jawatankuasa dari sekolah-sekolah terlibat serta sokongan tiga jurulatih dakwah negeri iaitu ustazah Nur Salma Syafikah Sahaluddin dan ustazah Nur Nazihah Hanapi daripada SMK Lajau manakala Ustazah Norlinda Suhut daripada SK Sungai Bedaun.

Antara pengisian utama Kem Fitrah Kasih SR ialah slot pemantapan solat yang dikendalikan oleh Ustaz Syahnon Othman serta latihan tasmik bacaan solat secara berkumpulan yang memberi ruang kepada murid untuk memperbaiki bacaan dan memahami maksud solat dengan lebih mendalam.

Kem turut menampilkan slot kesedaran Salah Laku Gangguan Seksual yang disampaikan oleh ASP Dzulkiflee Emmanuel

Abdullah dari Ibu Pejabat Polis WP Labuan yang bertujuan meningkatkan kefahaman murid terhadap isu keselamatan diri dan hak sebagai kanak-kanak.

Salah satu aktiviti yang mencuri perhatian ialah Flip Bottle Quiz di mana peserta diuji dengan soalan kuiz berkaitan solat secara interaktif sambil mengasah kemahiran berfikir dan semangat berpasukan. Aktiviti ini berjaya mencetuskan keterujaan dan suasana ceria sepanjang kem berlangsung.

Sebagai penghargaan, seramai 15 orang peserta terbaik telah dipilih menerima anugerah atas penglibatan aktif dan pencapaian cemerlang sepanjang program.

Majlis penutupan telah disempurnakan oleh Ketua Penolong Pengarah Sektor Pendidikan Islam, Ustazah Kamariah Salim dan turut dihadiri oleh Guru Besar SK St Anne, Mr Julius Voon yang menyampaikan ucapan penghargaan kepada semua pihak yang terlibat.

Secara keseluruhannya, kem ini berjaya memupuk nilai sahsiah, memperkukuh amalan ibadah serta menyemai semangat perpaduan dalam kalangan murid pelbagai latar belakang selaras dengan aspirasi pendidikan berteraskan nilai Malaysia Madani.

[#jpwpl](#)

[#7TerasKPM](#)


[#MalaysiaMADANI](#)

[#PendidikanManusiawi](#)

[#TaatSetia](#)











Bengkel Pembentangan Draf Pelan Strategik Pendidikan W.P. Labuan 2025-2030



KOTA KINABALU, 1 Hingga 3 Oktober 2025 – Jabatan Pendidikan Wilayah Persekutuan (W.P.) Labuan telah berjaya menganjurkan **Bengkel Pembentangan Draf Pelan Strategik Jabatan Pendidikan W.P Labuan 2025-2030** yang berlangsung selama tiga hari, bermula dari 01 hingga 03 Oktober 2025. Bengkel penting ini diadakan di **The Klagan Hotel, Kota Kinabalu, Sabah** sebagai platform utama untuk memuktamadkan rangka kerja strategik pendidikan wilayah tersebut untuk tempoh lima tahun akan datang.

Bengkel ini dipengerusikan oleh **Tuan Yahya bin Ahmad Puteh, Pengarah Pendidikan Jabatan Pendidikan W.P Labuan** menandakan komitmen jabatan dalam menetapkan hala tuju yang jelas dan berkesan bagi pembangunan pendidikan di Labuan. Kehadiran beliau membuktikan keseriusan pihak pengurusan tertinggi dalam memastikan pelan strategik yang dirangka adalah holistik, relevan, dan dapat memberi impak positif kepada seluruh warga pendidikan W.P. Labuan.

Pelan Strategik 2025-2030 ini dijangka akan menjadi dokumen panduan utama dalam melaksanakan inisiatif-inisiatif pendidikan selaras dengan visi dan aspirasi pendidikan kebangsaan, khususnya dalam konteks W.P.

Labuan. Ia merangkumi aspek-aspek kritikal seperti peningkatan pencapaian murid, pembangunan profesionalisme guru, pemerkasaan infrastruktur digital dan fizikal, serta pengukuhan jalinan kerjasama dengan pihak berkepentingan.

Sesi pembentangan draf pelan strategik telah memberi ruang kepada perbincangan mendalam mengenai pelan tindakan, petunjuk prestasi utama (KPI), dan peruntukan sumber yang diperlukan. Peranan **Sektor Perancangan Jabatan Pendidikan W.P Labuan** sebagai Urusetia bengkel amatlah penting dalam memastikan kelancaran sesi dan pengumpulan maklum balas secara tersusun.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)









Karnival Kebolehpasaran Murid Berkeperluan Pendidikan Khas (MBPK)



Johor Bahru, 27 Hingga 28 September 2025 – Karnival Kebolehpasaran Murid Berkeperluan Pendidikan Khas (MBPK) adalah program tahunan Kementerian Pendidikan Malaysia (KPM) yang bertujuan memberi pendedahan kepada murid Pendidikan Khas dalam bidang kemahiran, kreativiti, inovasi dan bakat seni. Pada tahun 2025, karnival ini telah berlangsung pada 27 hingga 28 September 2025 bertempat di Toppen Shopping Centre, Johor Bahru, Johor.

Kontinjen Wilayah Persekutuan Labuan telah mengambil bahagian dalam beberapa acara pertandingan yang dianjurkan antaranya Pertandingan Nyanyian Solo, Pertandingan Dekorasi Kek, Pertandingan Anyaman Kreatif Tudung Saji, Pertandingan Aerodance, Pertandingan Inovasi Kemahiran, Pertandingan Reruai Kemahiran dan Pertandingan Poster Digital.

Penyertaan kesinambungan Kontinjen Wilayah Persekutuan Labuan dalam Karnival Kebolehpasaran MBPK 2025 telah mencapai objektif utama iaitu memberi ruang dan peluang kepada murid pendidikan khas memperlihatkan bakat serta kebolehan masing-masing. Semangat kesukanan, kreativiti, keyakinan

diri dan daya saing yang ditonjolkan menjadi bukti bahawa MBPK juga mampu berdikari, berdaya cipta dan berdaya saing di peringkat kebangsaan.

Adalah diharapkan pengalaman ini dapat dijadikan pendorong kepada murid, guru serta semua pihak dalam usaha meningkatkan kebolehpasaran MBPK pada masa hadapan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)





BENGKEL PENGURUSAN PELUPUSAN DOKUMEN KEWANGAN PERINGKAT JABATAN PENDIDIKAN WP LABUAN



KOTA KINABALU, 3 OKTOBER 2025 – Seramai **39 orang Pembantu Tadbir** dari Jabatan Pendidikan dan sekolah-sekolah di Wilayah Persekutuan Labuan telah menyertai **Bengkel Pengurusan Pelupusan Dokumen Kewangan Peringkat Jabatan Pendidikan WP Labuan** yang berlangsung selama tiga hari, bermula dari **1 hingga 3 Oktober 2025**.

Bengkel yang diadakan di **The Klagan Hotel, Kota Kinabalu** ini bertujuan untuk memberi pendedahan dan kefahaman mendalam kepada para peserta berhubung **prosedur dan tatacara pelupusan dokumen rasmi kewangan** yang betul mengikut undang-undang dan piawaian yang ditetapkan.

Pendedahan ini amat penting bagi memastikan semua rekod kewangan diuruskan dengan cekap, telus, dan mematuhi garis panduan pelupusan yang dikeluarkan oleh pihak berkuasa.



Kolaborasi Arkib Negara dan Bahagian Akaun KPM

Bagi memastikan maklumat yang disampaikan adalah tepat dan terkini, Jabatan Pendidikan WP Labuan telah menjemput penceramah pakar daripada dua agensi utama. Penceramah jemputan terdiri daripada wakil **Arkib Negara Malaysia (ANM) Negeri Sabah / WP Labuan** dan juga **Bahagian Akaun, Kementerian Pendidikan Malaysia (KPM)**.

Kolaborasi ini membolehkan peserta memahami bukan sahaja aspek perundangan dan penyimpanan rekod dari perspektif ANM, tetapi juga tatacara pengurusan rekod kewangan yang spesifik dalam konteks KPM.

Lawatan Sambil Belajar ke ANM





Selain sesi ceramah dan perbincangan, peserta juga turut dibawa melawat ke **pejabat Arkib Negara Malaysia Negeri Sabah / WP Labuan**. Lawatan ini memberi peluang keemasan kepada para peserta untuk **melihat sendiri dan mempelajari secara praktikal** bagaimana proses pelupusan dokumen kewangan itu dijalankan secara terperinci.

Pendedahan secara langsung ini diharapkan dapat memperkasakan peserta dengan kemahiran praktikal yang diperlukan untuk melaksanakan tugas pelupusan dokumen kewangan di jabatan dan sekolah masing-masing dengan lebih berkesan dan teratur apabila mereka kembali ke Labuan.

Bengkel ini dijangka akan memberikan impak positif yang signifikan dalam meningkatkan kualiti pengurusan rekod

kewangan di Jabatan Pendidikan WP Labuan, sekaligus memastikan pematuhan dan kecekapan dalam pentadbiran kewangan awam.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)

BENGKEL LANJUTAN KUMPULAN INOVATIF & KREATIF (KIK) PERINGKAT WP LABUAN 2025



Labuan, 29 September 2025 – Penceramah jemputan, Dr. Hyginus Lester Junior, membuat penilaian awal terhadap

setiap pembentangan. Setiap kumpulan menerima maklum balas dan cadangan penambahbaikan secara terus.

Pembentangan Mock oleh Kumpulan yang terpilih. Sesi Refleksi & Rumusan bengkel. Perbincangan secara kolektif tentang penambahbaikan berterusan dan strategi ke arah pertandingan KIK peringkat yang lebih tinggi.

Objektif Bengkel:

1. Memberi ruang kepada kumpulan KIK untuk menambah baik bahan pembentangan mereka secara profesional dan terarah.
2. Meningkatkan kefahaman peserta terhadap elemen penilaian projek inovasi dan kreativiti.
3. Mendapat bimbingan dan semakan kritikal daripada pakar dalam bidang inovasi bagi meningkatkan kualiti penyampaian dan impak projek.

Matlamat:

1. Melahirkan kumpulan inovatif dan kreatif yang berdaya saing di peringkat kebangsaan melalui bimbingan berkualiti dan pendedahan profesional.
2. Menyokong inisiatif transformasi pendidikan melalui amalan inovasi yang menyelesaikan masalah sebenar di peringkat sekolah dan organisasi.
3. Menjadikan Wilayah Persekutuan Labuan sebagai salah satu contoh kecemerlangan inovasi pendidikan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)



MAJLIS SOLAT HAJAT PERDANA DOAKAN MISI GLOBAL SUMUD FROTLA SUBURKAN KASIH SAYANG PENGHUNI ASRAMA Di DARUL KIFAYAH WP LABUAN



Labuan, 5 Oktober 2025 – Majlis Solat Hajat Perdana sempena misi kemanusiaan Global Sumud Flotilla di Gaza bersama Aspura dan Aspuri SMA MAIWPL telah diadakan di Surau Kompleks Darul Kifayah, WP Labuan.

Majlis dimulakan dengan solat Maghrib berjemaah diikuti solat hajat khusus untuk para sukarelawan misi dan

diteruskan dengan bacaan Surah Yaasin secara beramai-ramai.

Pengarah Pendidikan JPWPL En Yahya Ahmad Puteh hadir menyantuni majlis dan menyampaikan amanat berkaitan budaya hormat menghormati serta kasih sayang dalam kalangan penghuni asrama. Beliau juga menyentuh tentang gejala buli yang dianggap sebagai pelanggaran nilai kasih sayang dan hormat yang sepatutnya diamalkan dalam kalangan warga asrama.

Tuan Pengarah bersama pegawai JPN turut dibawa melawat asrama putera dan puteri, menyaksikan sendiri suasana dan aktiviti harian penghuni.

Ustazah Kamariah Salim, Ketua Penolong Pengarah Sektor Pendidikan Islam turut menyampaikan amanat kepada penghuni asrama agar sentiasa berdisiplin, menjaga kebersihan, keselamatan dan keceriaan asrama. Beliau menyeru agar murid fokus terhadap hala tuju akademik dengan sentiasa mengulangkaji pelajaran.

Penghuni asrama Darul Kifayah merupakan antara yang bertuah kerana menerima pelbagai kemudahan daripada Majlis Agama Islam WP Labuan, termasuk yuran asrama dan pengangkutan ulang-alik ke sekolah secara percuma wserta bantuan bulanan sebanyak RM100.

Tuan Pengarah turut mengadakan pertemuan bersama warden asrama. Beliau menekankan kepentingan mematuhi garis panduan sedia ada dan memastikan pelaporan asrama sentiasa dikemas kini dan tersedia apabila diperlukan.

Majlis turut dihadiri oleh Pengetua Darul Kifayah Ustaz Abdul Fatah, Penolong Kanan HEM Ustaz Shaiful Amri, Penolong Kanan Kokurikulum En Firli Firzuan Ler Abdullah, pegawai dari Sektor Pendidikan Islam (SPI), guru-guru serta warden SMA.

Majlis ini bukan sahaja menjadi medan doa dan keinsafan, malah menyuburkan nilai kasih sayang, hormat-menghormati dan tanggungjawab bersama dalam kalangan warga asrama, selaras dengan aspirasi Malaysia Madani.











“Semangat Sepasukan” Pupuk Keseronokan Bekerja Warga JPWP Labuan



Labuan, 24 September 2025 – Jabatan Pendidikan Wilayah Persekutuan (JPWP) Labuan terus komited dalam memperkasa kesejahteraan warga kerjanya melalui pelaksanaan slot ‘Semangat Sepasukan’ yang diadakan secara berkala setiap bulan di lokasi masing-masing.

Slot kali ini yang berlangsung pada 24 September 2025 telah dikendalikan oleh penyelaras program, En. Arif Rahman Hakim bin Hj. Tamri, selaku Kaunselor Pendidikan Negeri di JPWP Labuan. Aktiviti tersebut berjaya menarik penyertaan penuh daripada semua warga jabatan yang sama-

sama terlibat dalam sesi santai berkonsepkan pengukuhan motivasi dan kerjasama.

Semangat Sepasukan bukan sahaja menjadi medium untuk menceriakan suasana kerja, malah berfungsi sebagai ruang untuk meningkatkan kesedaran tentang kepentingan kesihatan mental, emosi serta semangat berpasukan.

Pelaksanaan program ini selaras dengan agenda Kementerian Pendidikan Malaysia (KPM) melalui inisiatif Pembudayaan Keseronokan Bekerja, yang menekankan keseimbangan antara produktiviti kerja dan kesejahteraan psikologi warga pendidik serta kakitangan.





JPWP Labuan Raih Anugerah Pementoran Terbaik Peringkat KPM 2025



Putrajaya, 25 September 2025 – Jabatan Pendidikan Wilayah Persekutuan (JPWP) Labuan terus mengukir kecemerlangan apabila berjaya meraih dua anugerah berprestij dalam Majlis Pentauliahan Rakan Pembimbing Perkhidmatan Awam (AKRAB) serta Anugerah AKRAB dan Pementoran Kementerian Pendidikan Malaysia (KPM) Tahun 2025 yang berlangsung di Auditorium JAKIM, Putrajaya.

JPWP Labuan dinobatkan sebagai penerima Anugerah Pasangan Mentor dan Menti Terbaik menerusi pasangan Pn. Norazimah bt Yaacob dan Pn. Zulaiha binti Khalid. Kejayaan ini mengiktiraf kecemerlangan hubungan bimbingan dan perkongsian ilmu antara kedua-duanya yang menjadi model pementoran cemerlang di peringkat nasional.

Selain itu, JPWP Labuan turut mengharumkan nama organisasi apabila Pn. Salihah Yusoff, selaku penyelaras Program Pementoran, menerima Anugerah Organisasi Pementoran Terbaik Peringkat KPM Tahun 2025. Pengiktirafan ini sekaligus menzahirkan komitmen tinggi JPWP Labuan dalam memperkasakan budaya pementoran yang berkesan di kalangan warga pendidik dan kakitangan.

Majlis penganugerahan tersebut telah disempurnakan oleh Ketua Setiausaha KPM, Dato' Ts. Dr. Hj. Aminuddin bin Hassim, yang turut menyampaikan penghargaan kepada semua penerima anugerah atas sumbangan besar mereka dalam membudayakan pementoran sebagai tonggak kecemerlangan perkhidmatan pendidikan.

Kejayaan ini membuktikan bahawa usaha berterusan JPWP Labuan dalam memperkukuh amalan bimbingan dan pementoran bukan sahaja memberi impak positif kepada warga kerja, malah mampu menjadi contoh teladan di peringkat Kementerian.



DIALOG PRESTASI PENDIDIKAN ISLAM, ELEKTIF DAN DINI PERINGKAT LABUAN



Labuan, 30 September 2025 – Dialog Prestasi Pendidikan Islam, Elektif dan Dini telah berlangsung di Bilik Mesyuarat Botanikal bermula jam 2.30 petang. Dialog ini menghimpunkan pengetua sekolah-sekolah menengah di Wilayah Persekutuan Labuan serta Ketua Panitia Pendidikan Islam.

Perbincangan memberi tumpuan kepada pencapaian murid dalam Peperiksaan Pertengahan Tahun dan Peperiksaan Percubaan SPM. Selain itu, ia turut menjadi platform perkongsian intervensi serta amalan terbaik yang telah dilaksanakan di sekolah masing-masing.

Tahniah dan penghargaan diucapkan kepada semua ustaz dan ustazah yang komited dalam mengenal pasti tahap

pencapaian murid serta berusaha mencari solusi terbaik bagi membantu mereka mencapai kejayaan, sekurang-kurangnya lulus dalam mata pelajaran Pendidikan Islam. Sasaran pencapaian subjek ini bagi tahun 2025 ialah 95%.

Dialog ini telah dipengerusikan oleh Pengarah Pendidikan W.P. Labuan, En. Yahya Ahmad Puteh. Turut hadir ialah Timbalan Pengarah Sektor Perancangan, Pn. Noraini Sahbudin, serta Ketua Penolong Pengarah Sektor Pendidikan Islam, Pn. Kamariah Salim.

Urus setia dialog pada kali ini telah dilaksanakan oleh Ustaz Mohd Fadzli bin Sheikh Abdul Rahim, Pegawai Sektor Pendidikan Islam.

Adalah diharapkan agar semua calon SPM tahun ini terus meningkatkan usaha, memanfaatkan bimbingan guru serta tidak berputus asa dalam menyiapkan diri menghadapi peperiksaan sebenar. Semoga pencapaian Pendidikan Islam, Elektif dan Dini di W.P. Labuan tahun ini mencapai sasaran dan menjadi kebanggaan bersama.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)



